

Paglala
(ni Danilo C. Diaz)

Kung sa mga kapalpakan
Ang gusto ay h'wag aangal,
Paano pa malalaman
Ang mali at pagkukulang.

Inaasahan ng lahat
Na pag-uulat ay tapat;
Nang ang wastong pag-iingat
Matiyak, di maging huwad.

Utos man ay sinusunod
Pasaway ba ang palusot?
Kaya wala pa'ng pang-turok
Hindi mapigil ang salot.

Nagtitipid, nagtitiis
Ayaw dapuan ng sakit
Sa isip ang sumisiksik
Baka dapat, may madikdik.

Sino-sino'ng may maskara
Sa panahon ng pandemya,
Na dulot ay lalong dusa
At pagkaubos ng grasya.

Kapag sa bilang ng dami
Naging higit ang may dumi
Nasa una, maging huli
Masasayang lang ang sisi.

Nalilito, niloloko
Kahit ano ang totoo
Nakayuko'ng mga ulo
Tumatango, sa di gusto,

Sa pagdating ng iniksyon
Naging bigo man ang misyon,
Kumalat na ang impeksyon
Wagi pa rin sa pusisyon?

#

dcd/dodie
03Aug'2020

